


# სახალხო ბაზუი

სურათებიანი ჟამათება


გაზეთის № 581

დამატების № 102

კვირა, 22 აპრილი 1912 წ.



ჰერცენის აღმასწავლებელი ნიცაში.



ჰერცენის საფლავზე მიმავალი პროცესია, სასაფლაოს შესავალთან.

ჰერცენის ძეგლის წინაშე ჰერცენის შვილიშვილი, ლოზანოს უნივერსიტეტის პროფესორი სიტყვას ამბობს. მარცხნივ სდგას ჰერცენი-პროფესორი, შუაში—ფრანგი სოციალისტი შტეგელბერგი, მარჯვნივ თ-დი მ. თუმანიშვილი.

## თეთრი ყვავილი.

სული ეძებს ყოფნის წალკოტს, სულს სიცოცხლე ენატრება, შავ სიკვდილის შავი ეტლი სხივთ სიცილში იკარგება, დრომ დასწყვიტა ღამის ხუნდი და განთიადს მოუწოდა:— ვაი იმას, ვინც მზე დაჰგმო, ვაი იმას, ვინც მზეს სცოდა!

საუკუნეთ თეთრი ჩიტი მალვით ჰკოცნის თეთრ ყვავილსა, უფსკრულისკენ ერეკება თაღნით მოსილ ქამთ აჩრდილსა, მიწამ ჰპოვა ოქროს კიბე ცის სარკვეზე ამართული, გრცელ მსოფლიოს კიდე-პირად აციმციმდა სიყვარული.

ზეცის მადლი, სოფლის კენესა, ნახ სივრცეზე გაიშალა, მომავალმა გამოაკრთო ყრუ წარსულში რაც მიმქრალა, ბნელს გაეჭკა მზის ასული, ნეტარება გულს დასთოვა, ფრთა შემოპკრა ლურჯ კამარას და წარტაცა სოფელს გლოვა.

ახ, ვინ ჰვალობს ქამთ ოლიმპზე სულის წარმტაც, ნეტარ ხმითა? ვინ მიუძღვნა სულს ყვავილი ჯერ უხილავ სამოთხითა? — ეგ მიწამ სცნო უკვდავება არსის სიმში ორთქლად მდნარი, — ეგ მომავლის ტურფა ველზე სრულ-ყოფისა სჩანს ბაღნარი!

და უხილავ ედემისკენ მიჰქრის, მიჰფრენს მნათობთ კრება, სული ეძებს შვების წალკოტს, სულს სიცოცხლე ენატრება... დრომ დასწყვიტა ღამის ხუნდი და განთიადს მოუწოდა:— ვაი იმას, ვინც მზე დაჰგმო, ვაი იმას, ვინც მზეს სცოდა!

ნ. ჩხიკვაძე.

## ვიცნებ გულსკთ იბანიშის ნოველები

ზ ღ ვ ა ზ ე

დილის ორ საათზე საწყალი ქოხის კარებთან გაისმა ხმა — ანტონიო, ანტონიო!

ანტონიო წამოვარდა ლოგინიდან: ეძახოდა მისი ამხანი-გი, რომელთანაც ერთად დადიოდა სათევზაოდ; აცნობებდა, რომ დრო იყო ზღვაში გასულიყვნენ.


ანტონიოს არ დასცალდა გემბრეილად გამოძინება. თერთმეტს საათზე ჯერ კიდევ ლაპარაკით იყო გართული თავის საწყალ ცოლთან, რუფინასთან, რომელიც მოუსვენრად ტრიალებდა ლოგინში და უფულობას სჩიოდა. საქმე ცუდად იყო, რა საძაგელი ზაფხული დაუდგათ! შარშან სკუმბრია\*) ქარავნობით მიდიოდა ხმელთა შუა ზღვაში; დღე ისე არ გავიდოდა, რომ ოცი ოცდაათი არჩობა\*\*) არ ამოეყვანათ წყლიდან. ფული ოხრად მოდიოდა და ვინც ანტონიოსავით თავშენახული იყვნენ. ცოტაოდენი გადასდეს კიდევ, შეიძინეს საკუთარი ხელსაწყო, თავი დააღწიეს სხვის მონობას.

პატარანავთსადგური საგვს იყო. ყოველ ღამე თავს იყრია და მრავალი ნავი, იმდენი, რომ გასანძრევი ადგილიც აღარ რჩებოდა; რაც უფრო მატულობდნენ ნავები, მით უფრო კლებულობდა თევზი.


ბადეს მეთად ნაკლები თევზი ხვდებოდა, ისიც რაღაც წვრილი, რომელიც შესწავად ვარგოდა. სკუმბრიამ წელს სხვა გზა აირჩია და ჯერ არავის დაეჭირა ვერც ერთი ამ თევზისა.

რუფინას შიშსა ჰგვრიდა ასეთი მდგომარეობა: შინ გროში არ მოეძევებათ, ვალი ჰმართებთ: მეპურისა, მედუქნისა და სენიორ ტომასიც. ეს უწინდელი მეთევზე, მოვანშეობის წყალობით, ეხლა მთელის სოფლის ბატონია, მუდამ დალუპვას ემუქრებოდა, თუ ნაწილს მაინც არ გადაიხდიან იმ ორმოცდაათ დუროსას, რომელიც მისგან ისესხეს ამ ღამას, კარგად


\*) ერთგვარი თევზია.  
\*\*) არჩობა—ოცდა ხუთი გირვანქა.




# „ტიტანიკ“-ის დაღუპვის გამო.




„ტიტანიკ“-ის 1 კლასის მგზავრთა სასადილო დარბაზი.




„ტიტანიკის“ უმთავრესი კიბე და ვესტიბიული.



„ტიტანიკის“ პირველი კლასის მგზავრთა ერთ-ერთი სასტუმრო ოთახი.



„ტიტანიკზე“ გამართული საბანაო აუზი, რომლის გვერდითაც საუცხოოდ მოწყობილი აბანო იყო.



„ტიტანიკ“-ზე დაღუპული ცნობილი ინგლისელი პუბლიცისტი ვილიამ სტედი.

მეგალის ნავის მოსაწყობად, რომელსაც მოანდომეს მთელი გადაღებული ფული.

ანტონიომ გადავიდა ცხრა წლის შვილი, რომელიც სათევზაოდ დაჰყვებოდა და ვაჟკაცის მაგიერობას უწევდა.

— ვნახოთ, იქნება დღეს მაინც გავიმარჯვოთ, — წაიბუტბუტა ქალმა, რომელიც ლოგინში დარჩა. — სამზარეულოში დამზადებულია კალათა სანოვავით... გუშინ აღარ მომცეს დუქანში ნისიად... ოჰ, ღმერთო! რა დაწყევლილი ხელობაა!

— დაჩუმდი, დედაკაცო! ზღვა ვერ არის კარგი, მაგრამ ღმერთი მოგვხედავს. გუშინ რამდენიმე კაცმა წყლიდან ამომხტარი თევზი ნახა, დიდი ყოფილიყო, ასე ოცდაათ არობამდე. ვნახოთ, თუ ჩვენს ანკესს მოჰყვავს... ეგ ხომ სამოცდუროს ნიშნავს.

მეთევზე განაგრძობდა ჩაცმას და თან ფიქრობდა ამ თევზის შესახებ, რომელიც მოჰპოვებოდა ქარავანს და ჩვეულებრისამებრ დაბრუნებულიყო იმ ადგილს, სადაც შარშან სცხოვრებდა.

ანტონიკო ფეხზე იდგა და მზად იყო წასასვლელად, დინჯი და თავის თავით კმაყოფილი, რომ თავის შრომით შოულობს პურს ამ ხანში, როდესაც მისი ტოლები თამაშით ირთობენ თავს. ზურგზე სანოვავის კალათა მოეკიდნა, ხელში პატარა ქურჭელი ეჭირა, რომელშიაც წვრილი თევზი ჰყავდა დასაჭერ თევზის მოსანადირებლად.


მამა და შვილი გამოვიდნენ ქოხიდან და ზღვის ნაპირს გაჰყვნენ, მინამ მეთევზეთა ბინას არ მიაღწიეს. ამხანაგი ნავში იყო და იალქანს უმარჯვებდა.

ნავები ბნელაში გაუდგა გზას.

შავად მოსჩანდნენ ზღვაოსნები, რომელიც ფუსფუსობდნენ ნავებში. სიჩუმეს არღვევდა მხოლოდ მზადების ხმაურობა, ერთბაშად გაიშალა იალქნები უშველებელ სუღარების მსგავსად.


სოფელი თავისის სწორე ქუჩებით ზღვის პირამდის ჩაიღოდა. ქუჩებს აქეთ-იქით ჩამწყკრივებული იყო პატარ-პატარა თეთრი სახლები, რომელშიაც პოულობდა თავშესაფარს ყველა ის ოჯახი, რომელიც საზაფხულოდ მოდიოდა ზღვაზე ნა-

### ლენის მუშათა გაფიცვა და დახმავა.



გ. ნ. გომიშვილი

სახ. საბჭოს წევრი და ლენის სამრეწველო ამხანაგობის ფინანსიურ საქმეთა გამგე, რომელსაც წელიწადში 50 ათასი მანეთი აქვს ჯამაგირად.



კ. ნ. ტულჩინსკი

ლენის საოლქო ინჟინერი, რომელსაც ნდობით ეკიდებოდნენ მუშებიც და მრეწველნიც.



ხევიარ კუნძულის \*) სიღრმიდან. ზედ ზღვის პირას იდგა გაზღებულ ფანჯრებით დიდი თეთრი სახლი.

ეს იყო კახინა \*\*), ანტონიომ სიძულვილით გადახედა. როგორ ატარებდა ღამეს ეს ხალხი! ფულზე თამაშობდნენ... გათენებამდის ადგომა რომ სჭირდებოდათ ლუკმა-პურის საშოგნელად...

— ასწი, ასწი! ბევრნი ჩვენზე ადრე გასულან ზღვაში. ამხანაგმა და ანტონიომ ასწიეს ირიბი იალქანი, რომელიც გაიპარათა და გაიბურთათა ქარისაგან.

ჯერ ნელ-ნელა გასცურათა ნავმა წყნარ წყალში; შემდეგ ზღვა აღელდა და აათამაშათა ნავი; ეხლა შორს იყვნენ ნაპირიდან, გაშლილ ზღვაში.

წინ უსაზღვრო წყვილია ბჟუტავენ ვარსკვლავები, მარჯვნივ და მარცხნივ კი, ზღვის შავს ზედაპირზე ნავები და მხოლოდ ნავები, რომელნიც ცხვირწაწვილი მოჩვენებებსავით მისრიალებენ.

- ამხანაგმა მოავლო თვალი ზღვას!
- ანტონიო, ქარი იცვლება.
- ჰო, მეც შევნიშნე.
- დიდი ღელვა იქნება.
- ვიცი, მაგრამ—წინ!—მოვშორდეთ დანარჩენთ.

ნავი მის მაგიერ რომ სხვებთან ერთად ევლო კიდე-კიდე, შუა ზღვისაკენ გასწია, უფრო და უფრო შორ.

გათენდა. მზემ, წითელ უშველებელ კეცვით ბრტელმა, გაანათა ზღვა. აღუღებულ წყალს თითქო ცეცხლი მოეკიდა.

ანტონიო შესაქვობდა, მისი ამხანაგი ანძასთან იდგა, ხოლო ბავშვი ნავის ცხვირზე იყო და ზღვას გაჰყურებდა. ნავის ბოლოდან და კიდებიდან ჩაშვებული იყო დაგრებილი ძუა, რომელიც მიითრევდა მოსანადირებელს. დრო გამოშვებით ამოიღებდნენ ხან ერთსა და ხან მეორეს და ნავის ბანზე ვარდებოდა თევზი, ბრჭყვიალა და მოფართხალე, როგორც ციმა ვერცხლი. მაგრამ ეს რაღაც წვრილი თევზი იყო... უმნიშვნელო...

ასე გაიარა ბევრმა საათმა. ნავი წინ მისრიალებდა. ხშირად მალდა ისროდა მას ტალღა და ნაფოტივით აქეთ-იქით აქანავებდა. დაცხა, ანტონიო გაიქცა წყლის დასაღვეად.

ათ საათზე ხმელეთი თვალთაგან მიეფარათ. უკან სჩანდა მხოლოდ დანარჩენ ნავების იალქნები.

— გამოგონე, ანტონიო!—წამოიძახა ამხანაგმა,—ასე ხომ ორანს მივალთ. რაკი თევზი არა გვხდება, სულ ერთია, აქაც და წინაც ერთი და იგივე იქნება.

ანტონიომ მოაბრუნა საქე და ნავი სხვა გზით წავიდა. მაგრამ არა ნაპირისაკენ.

—ეხლა,—მხიარულად წამოიძახა ანტონიომ,—შეგვიძლიან ვისაუზმოთ. ამხანაგო, მოიტა კალათი. როდესაც ჰნებადეს, მაშინ გამოჩნდეს თევზი.

ყველას ერგო თითო დიდი პურის ნატეხი და მაგარი ხახვის თავი, რომელიც ჯერ მუშტით დაარბილეს.

ქარი დიდი იყო და ნავს ძლიერ ანძრევდა და ისვროდა განიერ და ღრმა ტალღებზე.

— მამა!—წამოიძახა უცხად ანტონიომ.—თევზი, დიდი, უშველებელი!...

პური და ხახვი განზე მიაგდეს! და დატრიალდნენ. დიდები კიდეს! მივარდნენ.

— ჰო, ეს იყო უშველებელი, მსხვილი მძიმე თევზი; შავი მზინავი ზურგი გეგონებოდათ აგერ—აგერ ამოჩნდება წყლიდანაო; ეს ერთ-ერთ განდევილთაგანი უნდა ყოფილიყო, როგორც მეთევზენი უწოდებენ, ძალზე მისცურავდა და ხან ერთ მხრიდან ამოუდგებოდა ნავს და ხან მეორეოდგან ხან იმალებოდა თვალთაგან და ხან უეცრად გამოჩნდებოდა.

ანტონიო გაწითლიდა კიდევ აღელვებისაგან და საჩქაროდ გადაადგო ზღვაში თითის სიმსხო ძუაზე დამაგრებული ანკესი.

წყალი აღელდა გარშემო და ნავი ათროლოდა, თითქო, რაღაც წარმოუდგენელი დიდი ძალა დაეტაკა,—გაჩერება და უკან გაბრუნება დაუპირა. ნავი კანკალებდა და აბურთებული იალქნი გეგონებოდათ აგერ-აგერ გადაამტვრევს ანძას, მაგრამ უეცრად დამაბრკოლებელი ძალა გაჰქრა და ნავი ისევ წინ გაეშურა.

დაგრებილი ძუა გამართული და ძალზე გაჭიმული ეხლა თავისუფლად მოსცურავდა. ამოიღეს და დაინახეს, რომ მიუხედავად თავის სიმსხოსი გამწყდარიყო.

ამხანაგმა უიმედოდ გაიქნია თავი.

— ეგ მხეცი ჩვენზე ძლიერია, ანტონიო, წავიდეს, დაიკარგოს, ჩვენ კი ვმადლობდეთ ღმერთს, რომ ძუა გაწყდა. ცოტა კიდე—და ყველანი ჩავიძირებოდით.

— წავიდესო?—წამოიძახა ანტონიომ.— გაგეებულხარ? იცი, რა ღირს ეგეთი თევზი? რა დროს შიში და ყოყმანია. მიეყვით, მიეყვით!—და ანტონიომ საქეს საშუალებით ისევ იმ ადგილს მიიყვანა ნავი, სადაც პირველად შეხვდათ თევზი.

ხელმეორედ გადაადგო ანკესი, უფრო დიდი, რომელზედაც რამდენიმე პატარა თევზი იყო აგებული, და ხელში წვეტიანი ბარჯი დაიჭირა. აბა, როგორ დაარტყას იმ სულელ პირუტყვს, როგორც კი მიუახლოვდება!

ანკესის თოკი ისევ დაიჭიმა. ნავი ისევ აათამაშა უწინდელზე უარესად. თევზი კარგად მოედო, უძალიანდებოდა ანკესს და ხან ერთ ადგილს აჩერებდა ნავს და ხან გიჟურად ათამაშებდა ტალღებზე.

წყალი დულდა სწორედ, ზედა პირი აქაფდა, თითქო იქ, სიღრმეში, მდევთა ბრძოლა ყოფილიყო. ერთბაშად თითქო უხილავმა ძალამ დაატანა ხელიო, ნავი დაიხნიქა და ნახევრამდის ჩაიძირა წყალში.

\*) ისპანია მოთხევებულია პირინეის დიდ ნახევარ კუნძულზე.  
\*\*) სააგარაკო ადგილი მდებარეობს დროს გასატარებელი სახლი—კლბუი.

ასეთმა უეცარმა ძალამ ყველანი დასცა. ანტონიომ ხელი გაუშვა საქვს და კინალამ ტალღებმა გაიტაცეს; მაგრამ გაისმა საშინელი ჭრიჭინი და ნავმა ისევ პირვანდელი მდგომარეობა მიიღო. ძუა ისევ გაწყდა, და იმავე წამს ზედ ნავის პირას გამოჩნდა თევზის მძლავრის კუდილთ აყანებული ქაფი. აი, ის წყეული! ძლივს არ მოვიდა იმ სიახლოვეს, რომ ბარჯით მისწვდეს და სცხოს. და ანტონიომ ისეთის ძალით დაჰკრა რამდენიმეჯერ და ისე ღრმად დაუწვდინა წვეტი მის მოლიპულ ტყავს, თითქო მისი დაუძინებელი და საშინელი მტერი ყოფილიყო. წყალი ერთბაშად წითლად შეიღება და თევზი დაიკარგა წითელ მორევში.

ანტონიომ სული მოითქვა, ბედნიერად გადაარჩინა ყველა ეს რამოდენსავე წამს მოხდა; ცოტა რომ გაგძლებულიყო კიდევ, ყველანი ჩაიძირებოდნენ.

მოიხედა უკან და თავისი ამხანაგი ანძასთან დაინახა: ამას ხელი მოევლო ანძისათვის და ფერწასული, სრულებით აუღელვებელი იდგა.

— მე კი მეგონა, ვეღარ გადავრჩებოდი, ანტონიო. ცოტა წყალიც გადავყალავე... საძაგელი პირუტყვი! მაგრამ შენც კაიკაი უთავაზე სადაც არის, ამოტივტივდება.

— ბავში?... იკითხა მამამ და ამ კითხვაში შიშის და სევდის ხმა ისმოდა; თანაც სჩანდა, პასუხისა ეშინოდა.

ბავში ნავზე არ სჩანდა. ანტონიო მივარდა ხან ერთ კუნტულს, ხან მეორეს და ვერსად ვერა პოულობდა.

— ჩემო შვილო! შვილო!... ჩემო ანტონიკო!..

ამხანაგმა უიმედოდ გაიქნია ხელი. კინალამ ყველანი არ დაიღუპნენ? გარეტიანებული ბავში ტყვიასავით დაიძირა. მაგრამ ამხანაგმა მხოლოდ გაიფიქრა ეს და ხმა არ ამოუღია.

შორს, იმ ადგილს, სადაც ნავი კინალამ გადაბრუნდა, წყალზე მოსჩანდა რაღაც შავი საგანი.

— იქ არის!

და საბრალო მამა გადახტა, მოუცურდა; მისმა ამხანაგმა ამასობაში იალქანი ჩამოაღწია.

მამა მისცურავდა და მიარღვევდა წყალს; დაიღალა, როდესაც დაინახა, რომ ის შავი საგანი ნავის ნიჩაბი იყო.

ტალღა რომ აიტაცებდა, ანტონიო სცილობდა რაც შეეძლო გამართულიყო, რომ რაც შეიძლება შორს გაეხედნა. წყალი, გარშემო წყალი და სხვა არაფერი! წყალზე იყვნენ ის, მისკენ მომავალი ნავი და შავად ამოფურქული ტანი ძლივსლა ამოტივტივებულის თევზისა, რომელსაც თავის გარშემო წითლად შეიღება წყალი და ამ წითელ წყალში ტივტივებდა.

თევზი მკვდარი იყო... ძვირად დაუჯდა ეს საშოვარი. ერთად ერთის შვილის, მის ანტონიკოს სიცოცხლის ფასად. ღმერთო, ღმერთო! ესეც პურის საშოვნელი ხელობაა!

ერთ საათზე მეტს დასცურავდა კიდევ, და ყოველ ხელის გაქნევაზე ელოდა, აი აგერ ამოსცურავს ჩემი შვილიო, და ყოველი ჩრდილი, რომელსაც ერთი ტალღა მეორეს აყენებდა, თავის შვილის გვამად ეჩვენებოდა.

აქ დავრჩები, აქ მოვკვდები ჩემ შვილთან ერთად! ამხანაგმა ძლივს დაიჭირა და ურჩ ბავშვსავით შეათრია ნავზე.

— რა ვქნათ, ანტონიო? ანტონიომ ხმა არ გასცა.

— უნდა შევურიგდეთ, ამხანაგო. ასეთია ცხოვრება. ბავშვმა იქ ჰპოვა სიკვდილი, სადაც ყველა ჩვენი წინაპრები დაიღუპნენ და სადაც ჩვენც დაგვიდგება უკანასკნელი წუთი. განსხვავება იმაშია, აღრე თუ გვიან... ეხლა კი საქმეს შევუდგეთ, — ნუ დაივიწყებ, რომ ლატაკები ვართ.

გააკეთა ნასკვი, მოსდსო თევზს და მოაბა ნავს.

ზურგის ქარი დაუდგათ, მაგრამ ნავში წყალი დაგუბებულყო, ამძიმებდა და ამიტომ ნელა მიდიოდა. ორივე ვაჟაკი უწინარეს ყოვლისა მეზღვაურნი იყვნენ; ამიტომ ყველაფერი დაიფიქრეს და წყალის ამოღებას შეუდგნენ.

ამ მუშაობაში გაიარა რამდენიმე საათმა. მძიმე სამუშაო თითქო მოსაზრებას არ აცლიდა ანტონიოს, მაგრამ წამ და უწუმ თვალზე ადგებოდა ცრემლი, რომელიც ნავიდან გადადვრილ წყალთან ერთად ეცემოდა ზღვას, მის შვილის სამარეს.

ნავი, რაც უფრო აკლდებოდა წყალი, უფრო და უფრო ჩქარა მიდიოდა.

გამოჩნდა პატარა ნავთსადგური პატარა თეთრი სახლებით, რომელნიც ჩამავალ მზეს ოქროსფრად შეიღებდა.

ნაპირის დანახვამ გაუღვიძა ანტონიოს მიუხეობელი შიში და მწუხარება.

— რას მეტყვის ცოლი? რას მეტყვის რუფინა? — წაიღულულულა საბრალომ ქვითინით.

შიშმა აიტანა ეს გაბედული და შეუდრეკელი ვაჟაკი, რომელიც როგორც ყოველი მისი მსგავსი შინაურ ცხოვრებაში თავის ცოლის ყურმოჭრილი ყმა იყო.

ნაზ მისალმებასავით გაისმა ზღვაზე მხიარულ ვალსის ხმები. ხმელეთის სიო მხიარულის მელოდიით უხვდებოდა თავს. ვაზინოს წინ უკრავდა მუსიკა. ბრტყელფოთლიან ბზის ქვეშ დასეირნობდა ხალხი და შორიდან ფერად მძივებსავით ირხეოდა ქალების აბრეშუმის მოსასხამი, კაცების ჩალის ქუდები, ღია ფერი ტანისამოსი საზაფხულო დროს გასატარებლად მოსულ აქ ხალხისა.

თეთრსა და წითელ კაბებში გამოწყობილი ბავშვები დარბოდნენ, თამაშობდნენ და ცელქობდნენ.

ნავთსადგურში შეგროვილიყვნენ მეთევზეები. ზღვის დიდ მანძილზე მაკი გაწვრთნილი თვალები კარგად ხედავდნენ, რასაც მოათრევდა ნავი. ანტონიო კი გასცქეროდა მხოლოდ ნავთსადგურის კედლის ბოლოზე მაღალ შავგვრემან ქალს, რომელსაც მანდილი მოეხადა, დიდ ქვაზე ასულიყო და გაჩერებულიყო, ქარი უფრიალებდა კაბას.

მივიდნენ. როგორ დაუხვდნენ. ყველას უნდოდა ახლო ენახა უშველებელი პირუტყვი. მეთევზენი შურის თვალთ უყურებდნენ, ტრტველი ბავშვები, აგურის ფერისანი, სციოდნენ წყალში, რომ თევზის უშველებელ ბოლოს ხელით შეხებოდნენ.

რუფინამ ძლივს გამოატანა ხალხს და მიუახლოვდა ქმარს, რომელიც თავ ჩალუნული, უგრძნობლად უსმენდა ამხანაგების მოლოცვას.

— ბავში?... ბავში სადღაა?

საბრალო ქმარმა უფრო დაბლა დაუშვა თავი, სადღაც მხრებს შუა თავი დამალა, თითქოს უნდნოდა, არაფერი არ დაენახა, არაფერი არ გაეგონა.

— ანტონიკო სადღაა? და რუფინა ანთებულის თვალებით, თითქო ცოცხალს გადაყლაპავს უპირებდა, სწვდა ქმარს საკინძეში და ეს უშველებელი ვაჟაკი მიწაზე დაანარცხა. მაგრამ იმ წამსვე ხელი გაუშვა, ზეცისაკენ გაიწოდა ხელები და საშინლად დაიკვილა.

— ოჰ, ღმერთო!.. მოკვდა! ჩემი ანტონიკო დამღვჩალა! ზღვაშია ჩემი ანტონიკო!

— ჰო, ღედაკაცო, ძლივს წარმოსთქვა ქმარმა — უბედურები ვართ. ბავში მოკვდა; იქვეა, სადაც მისი ჰაპა და სადაც მეც ვიქნები ერთ დროს.. ზღვა გვასაზრდოვებს და ზღვავე გვეყლაპავს... რას ვიზავთ! ყველა ხომ საეპისკოპოზოდ არ იბადება...

ცოლი აღარ უგდებდა ყურს. გორავდა მიწაზე, იკრუნჩხებოდა, ფეხებს ატყაპუნებდა, თმას იგლიჯდა, სახეს იკაწრავდა...

— ჩემი ბიჭი!.. ჩემი ანტონიკო!..

მეზობელ, მეთევზეთა ცოლები, მიცვივდნენ, კარგად იცოდნენ, რასაც ნიშნავდა ეს ამბავი; თითქმის ყველას მათგანს გამოცდილი ჰქონდა ასეთი მდგომარეობა. ღონიერი მკლავებით ასწიეს საცოდავი ქალი და წაიყვანეს შინ.

ვიღაც მეთევზემ მიაწოდა ერთი ჭიქა ღვინო ანტონიოს, რომელიც სტიროდა. მისი ამხანაგი ამასობაში ევაჭრებოდა ჩარჩებს, რომელთაც უნდოდათ მათის მშვენიერ ნანადირვის ყიდვა.

ღლე იწურებოდა. ნახად მჩქეფარე წყალს ოქროს ფერი დაეღო.

ღრო გამოშვებით უფრო და უფრო შორიდან ისმოდა მწუხარებისაგან გონება დაკარგულ, გაგიჟებულ საბრალო ქალის სასოწარმკვეთი კივილი.

— ანტონიკო! ჩემო ბიჭო!..

ბზების ქვეშ ისევ დასეირნობდა ღამაზად გამოწყობილი, ბედნიერი, მოკინარე ხალხი, ეს განკერძოებული ქვეყანა, რომელმაც ვერც კი იგრძნო, რომ მის გვერდით მოხდა უბედურება, მათ ერთი თვალის გადავლებაც არ აღირსეს. ამ სიღარიბის დრამას. და მხიარული, მელოდიური, ვნებით საკვებ ვალსი, უსაზღვრო სიმხიარულის ჰიმნი-კი მწყობრად მიექანებოდა ტალღებზე და ეალერსებოდა ზღვის უკუდავ სიმშვენიერეს.

ივ. ზურაბიშვილი.

